

Pembrokeshire Public Services Board
Bwrdd Gwasanaethau Cyhoeddus Sir Benfro



COFNODION BWRDD GWASANAETHAU CYHOEDDUS SIR BENFRO
Dydd Mawrth 24 Tachwedd 2020 am 10.00am (cyfarfod Skype)

Yn bresennol:

Tegryn Jones	Prif Weithredwr, APCAP (Cadeirydd)
Sue Leonard	Prif Swyddog, Cymdeithas Gwasanaethau Gwirfoddol Sir Benfro (Is-gadeirydd)
Andrea Winterton	Rheolwr Gweithrediadau'r De-orllewin Sir Benfro, Morol a Monitro, Cyfoeth Naturiol Cymru
Anna Bird	Pennaeth Datblygu Partneriaeth Strategol, Bwrdd Iechyd Prifysgol Hywel Dda
Iwan Thomas	Prif Swyddog Gweithredol, PLANED
Dr Barry Walters	Prifathro, Coleg Sir Benfro
Elwyn Williams	Is-gadeirydd Awdurdod Tân Canolbarth a Gorllewin Cymru
Uwch-arolygydd Anthony Evans	Heddlu Dyfed–Powys
Y Cynghorydd David Simpson	Arweinydd, Cyngor Sir Penfro
Y Cynghorydd Cris Tomos	Cyngor Sir Penfro
Kevin Jones	Prif Swyddog Tân Cynorthwyol, Gwasanaeth Tân ac Achub Canolbarth a Gorllewin Cymru
Alyson Phillips	Rheolwr Partneriaethau Sir Benfro, yr Adran Gwaith a Phensiynau
Martyn Palfreman	Pennaeth Cydweithrediad Rhanbarthol, Partneriaeth Gofal Gorllewin Cymru
Anna Malloy	Porthladd Aberdaugleddau
Elaine Lorton	Cyfarwyddwr y Sir, Sir Benfro, Bwrdd Iechyd Prifysgol Hywel Dda

Cymorth/Ysgrifenyddiaeth

Nick Evans	Rheolwr Polisi a Phartneriaethau Corfforaethol, Cyngor Sir Penfro
Lynne Richards	Swyddog Partneriaethau Corfforaethol, Cyngor Sir Penfro
Amy Richmond-Jones	Gwasanaeth Tân ac Achub Canolbarth a Gorllewin Cymru

Ymddiheuriadau

Ian Westley	Prif Weithredwr, Cyngor Sir Penfro
Ros Jervis	Cyfarwyddwr Iechyd Cyhoeddus, Bwrdd Iechyd Prifysgol Hywel Dda
Dr Steven Jones (SPJ)	Cyfarwyddwr Gwasanaethau Cymunedol, Cyngor Sir Penfro
Ann Owen	Llywodraeth Cymru
Maria Battle	Cadeirydd, Bwrdd Iechyd Prifysgol Hywel Dda
Diane Lockley	Pwyllgor Ardal Un Llais Cymru Sir Benfro
Alison Perry	Cyfarwyddwr Comisiynu, Swyddfa Comisiynydd Heddlu a Throsedd Dyfed–Powys

Dechreuodd y cyfarfod am 10.05am.

1. Croeso ac ymddiheuriadau

Gwnaed cyflwyniadau a derbyniwyd ymddiheuriadau gan y rhai sydd wedi'u rhestru uchod.

2. Cofnodion o'r cyfarfod diwethaf

Cafodd cofnodion y cyfarfod diwethaf, a gynhaliwyd ar 22 Medi 2020, eu cadarnhau fel cofnod cywir.

3. Log Gweithredu

O ran Eitem 2 – Cyllid Strategol a Ddyrannwyd Cyfoeth Naturiol Cymru ar gyfer Byrddau Gwasanaethau Cyhoeddus – nododd AW fod cyllid wedi'i gymeradwyo ar 13 Tachwedd ar gyfer y prosiectau a gyflwynwyd. Byddai'n gwirio gyda chydweithwyr ynglŷn â'r llythyr cadarnhau.

4. Gwasanaethau Cyhoeddus Cymru Gyfan: Rhaglen i Raddedigion 2022

Dosbarthwyd e-bost a dogfen arweiniad i sefydliadau gwasanaeth cyhoeddus ynglŷn â Gwasanaethau Cyhoeddus Cymru Gyfan: Rhaglen i Raddedigion, a fydd yn ailddechrau yn 2022. Gofynnwyd i sefydliadau sydd â diddordeb mewn lletya myfyriwr graddedig gyflwyno datganiadau o ddiddordeb erbyn 30 Tachwedd.

Nododd NE y gallai'r Bwrdd Gwasanaethau Cyhoeddus yn ei gyfanrwydd ystyried lletya myfyriwr graddedig ond byddai'n rhaid nodi cyllid i'w gefnogi. Atgoffodd TJ bartneriaid fod trafodaethau petrus wedi digwydd mewn blynyddoedd blaenorol ond nad oedd unrhyw beth wedi deillio o'r rhain.

Dosbarthwyd manylion cyswllt y rhaglen os oedd gan sefydliadau partner ddiddordeb mewn cyflwyno datganiad o ddiddordeb.

5. Adolygiad o ffrydiau gwaith y Bwrdd Gwasanaethau Cyhoeddus – cynlluniau gweithredu

Nododd LR fod yr eitem hon yn dilyn trafodaethau a gynhaliwyd yn y cyfarfod diwethaf ynghylch yr adolygiad o ffrydiau gwaith y Bwrdd Gwasanaethau Cyhoeddus a chyllid strategol a ddyrannwyd Cyfoeth Naturiol Cymru ar gyfer Byrddau Gwasanaethau Cyhoeddus.

Esboniodd fod y tri chynllun gweithredu cyntaf a ddosbarthwyd yn y pecyn yn ymwneud â'r prosiectau a ariannwyd gan Cyfoeth Naturiol Cymru a gymeradwywyd ar 13 Tachwedd (*Adolygiad o weithgareddau sy'n helpu i wneud Sir Benfro sy'n Garbon Niwtral, Adeiladu Cymunedau sy'n Gallu Dygymod â'r Newid yn yr Hinsawdd a Fforwm Cyfalaf Naturiol Cynaliadwy Sir Benfro*), ac roedd y gweddill yn ymwneud â'r cynigion i adolygu ffrydiau gwaith a gyflwynwyd gan arweinwyr prosiectau cyfredol y Bwrdd Gwasanaethau Cyhoeddus yn y cyfarfod diwethaf (*Adeiladu cysylltiadau â grwpiau perthnasol i gefnogi cyflwyno'r ffrydiau gwaith â thema Cymunedau, Adeiladu cysylltiadau cryfach â Chynghorau Tref a Chymuned, Codi ymwybyddiaeth o gynlluniau a mentrau i gefnogi cyflogaeth a hyfforddiant, a Datblygu dull a rennir ar gyfer llesiant staff ar draws sefydliadau partner y Bwrdd Gwasanaethau Cyhoeddus*).

Rhoddodd arweinwyr prosiectau trosolwg byr wedyn o bob un o'r cynlluniau gweithredu a chodwyd sylwadau/ceisiadau penodol o amgylch y canlynol:

Cymunedau sy'n Gallu Dygymod â'r Newid yn yr Hinsawdd

Nododd AW y byddai'r prosiect hwn yn dilyn y gwaith sy'n digwydd eisoes yn Abergwaun ac Wdig. Roedd gweithgareddau penodol wedi cael eu datblygu yn y cynllun prosiect peilot a byddai'n ddi-ddorol trafod fel partneriaid ar y Bwrdd Gwasanaethau Cyhoeddus a fyddai unrhyw rai o'r rhain yn cael eu huwchraddio a sut y gellir cefnogi cymunedau'n well i ddod yn fwy gwydn. Argymhellodd yr ychwanegir y prosiect peilot i agenda cyfarfod nesaf y Bwrdd Gwasanaethau Cyhoeddus i'w drafod.

LR ar
gyfer yr

Adeiladu cysylltiadau â grwpiau penodol i gefnogi cyflawni ffrydiau gwaith â thema Cymunedau

Er mwyn cefnogi'r prosiect, dywedodd SL ei bod yn bwysig bod Rhwydwaith Ymgysylltu a Chyd-gynhyrchu Sir Benfro yn ailymgynnull ac felly roedd yn gofyn i bartneriaid y Bwrdd Gwasanaethau Cyhoeddus gefnogi hyn trwy ryddhau eu swyddogion ymgysylltu at y diben hwn.

Adeiladu cysylltiadau cryfach â Chynghorau Tref a Chymuned

Nododd IW mai nod y prosiect hwn oedd cyflwyno model i ddatblygu fforymau lleol i sicrhau eu bod yn ymgysylltu o fewn pob lefel yn eu cymuned ac i rannu arfer gorau, gan gyflawni rhwydwaith o gynghorau tref a chymuned integredig sy'n ymgysylltu â'u preswylwyr a rhwydweithiau cymunedol.

Codi ymwybyddiaeth o gynlluniau a mentrau i gefnogi cyflogaeth a hyfforddiant

Trafododd y partneriaid gynllun Kickstart yn fras ac yn benodol y cyfyngiadau ar fentrau cymdeithasol a micro yn cymryd rhan yn sgil y gofyniad i gael cymhareb 3:1 o ran cymorth. Dywedodd AP y byddai'n adrodd hwn yn ôl i'w chydweithwyr cenedlaethol am eglurhad.

Datblygu dull a rennir ar gyfer llesiant staff ar draws sefydliadau partner y Bwrdd Gwasanaethau Cyhoeddus

Nodwyd y byddai angen cymorth ar y prosiect hwn gan sefydliadau partner y Bwrdd Gwasanaethau Cyhoeddus o ran rhannu arfer gorau ynghylch llesiant staff. Awgrymodd SL y dylai'r gwaith hwn hefyd ystyried materion fel y sefyllfa adnoddau dynol pe bai gweithwyr yn dewis peidio â chael eu brechu yn erbyn COVID-19. Awgrymodd TJ y dylai'r grŵp o gynrychiolwyr adnoddau dynol a sefydlwyd i gefnogi'r prosiect profiad gwaith ystyried maes ehangach llesiant staff ond hefyd ystyried rhai o'r ymholiadau eraill sy'n cael eu codi ynghylch COVID-19 a dychwelyd i'r gweithle.

Nododd LR ei bod wedi llunio templed adrodd diweddaedig i arweinwyr prosiectau adrodd yn ôl i'r Bwrdd Gwasanaethau Cyhoeddus mewn cyfarfodydd yn y dyfodol a fyddai'n cael ei ddosbarthu yn y man.

6. Digwyddiad rhanbarthol y Bwrdd Partneriaeth Rhanbarthol / Bwrdd Gwasanaethau Cyhoeddus, 4 Tachwedd 2020

Nododd MP ei bod wedi bod yn sesiwn ddefnyddiol er iddi fod yn gyfyngedig o ran rhyngweithio a thrafod i ryw raddau a bod cynnal digwyddiadau rhanbarthol yn ein rhoi ar y blaen i ranbarthau eraill ac yn rhywbeth i adeiladu arno. Byddai'r ffordd yr ydym ni fel rhanbarth yn defnyddio'r materion a'r prosiectau a drafodwyd yn cael ei thrafod ymhellach rhwng cydweithwyr rhanbarthol.

Dywedodd partneriaid y Bwrdd Gwasanaethau Cyhoeddus fod y digwyddiad wedi bod yn ddefnyddiol ac yn llawn gwybodaeth. Nododd LR ei bod wedi derbyn copïau o'r holl gyflwyniadau o'r diwrnod pe bai angen copïau ar unrhyw un.

Nodwyd bod yr adborth gan y Swyddfa Comisiynydd Heddlu a Throseddau ar y prosiect cyllidebu cyfranogol wedi bod yn arbennig o ddefnyddiol. Rhoddodd AE ddiweddariad cryno ar elfen Sir Benfro, gan nodi bod Aberdaugleddau wedi sicrhau cyllid o £27,000 ac wedi cynnal ei digwyddiad cynnig ar-lein ar 21 Tachwedd, pan gyflwynwyd 40 cais. Roedd gwaith ar y prosiect yn y tair ardal arall hefyd yn mynd rhagddo a gofynnodd AE i unrhyw bartneriaid a allai ymrwymo cyllid i'r rhain gysylltu ag ef.

7. Unrhyw fater arall

Nododd NE y byddai ymgynghoriad Pwyllgor Cyfrifon Cyhoeddus y Senedd ar rwystrau i weithrediad llwyddiannus Deddf Llesiant Cenedlaethau'r Dyfodol yn cau yn fuan. Cytunodd partneriaid y dylai NE/TJ greu a chyflwyno ymateb.

Nododd SL fod Rhwydwaith Gwydnwch Sir Benfro ar hyn o bryd yn edrych ar dyfu cymunedol a mannau gwyrdd gyda'r bwriad o nodi ardaloedd y gellid eu defnyddio ar gyfer 'therapi gwyrdd'. Awgrymodd fod hyn yn rhywbeth y dylai'r Bwrdd Gwasanaethau Cyhoeddus gadw llygad arno i'w drafod yn y dyfodol.

Daeth y cyfarfod i ben am 11.05am.